

其狂水隳突則以殺其怒。

治隄一也。有剋築修築之名。有刺水隄。有截河隄。有護岸隄。有縷水隄。有石

舡隄。治埽一也。有岸埽。水埽。有龍尾攔頭馬頭等埽。其為埽臺及推捲牽制

薙掛之法。有用土用石用鐵用草用木用杙用絙之方。塞河一也。有缺口。有

豁口。有龍口。缺口者已成川。豁口者舊常為水所豁。水退則口下於隄。水漲

則溢出於口。龍口者水之所會。自新河入故道之濼也。此外不能悉書。因其

用功之次第而就述於其下焉。

其濬故道。深廣不等。通長二百八十里。百五十四步。而強功始自白茅。長百

八十二里。繼自黃陵岡至南白茅。闢生地十里。口初受。廣百八十步。深二丈

有二尺以下。停廣百步。高下不等。相折深二丈及泉。曰停曰折者。用古算法。

修築下
圭齋本
有補築
二字

河防一
覽作長
里百八
十